


Prot. N. 1234/18/I



B E A T I S S I M E P A T E R,

Iosephus Giuliano, Episcopus Lucerinus-Troianus, cum clero et ceteris fidelibus suaे curae commissis, grato erga Deum animo motus reverenter exponit: anno MMXIX nongentesimus complebitur anniversarius ex quo Troiana Concathedralis ecclesia, sub tit. Beatae Mariae Virginis in Caelum Assumptae, aedificata est.

Fretus autem fiducia, recolens ingentia beneficia spiritualia quae Troianum Iubilaeum suis fidelibus obtulit et occasione sumpta a memorato die anniversario, Exc. mus Orator indixit speciales sacras functiones atque Verbi Dei celebrationes, a die VI Martii usque ad diem XXXI Augusti MMXIX in Troiana Concathedrali ecclesia et in ipsa civitate peragendas, ita ut Sacramentorum recipiendorum apta cum preparatione opportunitas quam largissime offeratur, opera fraternae supernaturalis caritatis instimulentur et hac ratione sive in singulis christifidelibus, sive in variis coetibus dioecesanae communitatis renovatio spiritualis per Annum de Misericordia Sanctum inducta, gratia Dei, mire roboretur et prorogetur.

Huic valde desiderato fini consequendo, apprime iuvabit Indulgentiae donum quod, exinde, fiducialiter postulatur, testimonium et argumentum paternae benevolentiae Sanctitatis Tuae et incitamentum ut solidetur in tota Dioecesi hieraticum et filiale vinculum erga eamdem Sanctitatem Tuam et erga proprium Sacrorum Antistitem. Et Deus, etc.

Die IV Februarii MMXIX

PAENITENTIARIA APOSTOLICA, de mandato Summi Pontificis, Troianum libenter concedit Iubilaeum cum adnexa plenaria Indulgentia, suetis condicionibus (sacramento Confessione, eucharistica Communione et oratione ad mentem Summi Pontificis) rite adimpletis, a christifidelibus vere paenitentibus lucranda, dummodo Troianam inviserint Basilicam Concathedralem et ibi iubilaribus devote interfuerint celebrationibus, vel saltem per congruum temporis spatium pii vacaverint considerationibus, concludendis Oratione Dominica, Symbolo Fidei atque invocationibus Beatae Mariae Virginis.

Pii christifideles senectute, morbo vel gravi alia causa impediti, pariter plenariam consequi valebunt Indulgentiam si, concepta detestatione cuiusque peccati et intentione praestandi, ubi primum licuerit, tres consuetas condiciones, anniversariis functionibus se spiritualiter adiunixerint, precibus doloribusque suis vel incommodis propriae vitae, misericordi Deo per Mariam SS. mam oblatis.

Quo igitur accessus, ad divinam veniam per Ecclesiae claves consequendam, facilior pro pastorali caritate evadat, haec Paenitentiaria enixe rogat ut dioecesanus paenitentiarius, Concathedralis clerus et sacerdotes opportunis facultatibus ad confessiones excipendas praediti, in iubili templo prompto et generoso animo celebrationi Paenitentiae sese praebant ac S. Communionem infirmis saepe ministrent.

Praesenti per Troianum Iubilaeum valituro. Contrariis quibuslibet non obstantibus.

Maurus Card. Piacenza
MAURUS Card. PIACENZA
Paenitentiarius Maior

Christophorus Nykiel
CHRISTOPHORUS NYKIEL
Regens